

七錄齋詩文合集

七錄齋詩文合集標目

詩稿卷之三

送許孟宏入楚

其二

金閶同孟樸九一孟宏君偉夜飲

次孟宏韻寄懷王聞修學憲

其二

夏日小集

夏日陪劉映薇父母集弇山次受先二律

其二

吳門陪馮鄴仙給諫賦詩追別

其二

早過與游齋受先已行矣次韻追之

六月望後一日訪與游次韻

其二

夜同與游九一步瀛君偉青芝放舟虎阜

觴月連旦次與游韻

次早泊婁門維斗來送行五里方別

逆風過舟然喜小涼

詠陳懷我公祖作人盛事

其二

宿維亭次與游韻

郡歸復飲與游園中平仲惠常同集

夏日郡游歸訪平仲園中

爲家大兄賦送王衷和學博秋試

代友遠寄

又

又

賀孟宏子孝酌采芹

賀與游子箴淪采芹

愁怨次孟宏韻

其二

其三

其四

題扇蘭

夏日子常麟士見過受先輩同集賦紀一

題畫蘭

其二

其三

和君偉南城晚步

和孟宏韻

其二

代友憶別

其二

讀黃太君孟晚遺集

讀周少君剡玉篇

題畫中人

粵東黎美周

秋夜同豫瞻人撫駿公僧彌集受先齋

其二

題畫爲王載微五十

同孟樸美罔駿公僧彌集受先齋

中秋夜集

其二

十六夜

中秋後二日孟樸爾通過小軒同賦

同孟樸美周僧彌集駿公齋

十八日觀潮

和七夕詩

和孫泳舟采芹

送孫孟樸

賀王和甫秋薦

聞顧麟士王處卿家九兄禹疏乙卷

送吳志衍北發

其二

送章敬明北發

其二

偶題

贈澄江宋孝子

送吳人撫北發

其二

送姚現聞先生之金陵

其二

賀祝尊光秋雋

題君偉齋秋色

題畫菊

壽龔仲和六十

其二

早冬看菊花

題瓶菊

無近弟北歸坐八兄齋對菊

送文湛持先生還朝

其二

壽許冰壺先生

祝黎母蘇太君七十

題李青來韻林

贈李友石

送沈鉉臣入覲

送吳來之北發

送曹忍生北發

送王與游北發

別閩中李畏菴

寄同門桂叔開

屈子常勒鹵集受先齋

王賁文新冠

王來復新冠

吳園看梅

送侯豫瞻北上

其二

登馬鞍山

吳幼民公祖飲東園二詩見示次韻報之

其二

贈醫

題德星圖

壽周二陽七十偕壽

和受先南渡看桃

送管君售

次周勒鹵艷詩贈陳臥子

讀張太羹邑侯雲編之選

讀幾社詩文偶題

賦送胡見可

東郊餞劉明府次受先韻

其二

其三

其四

壽茅五芝光祿六十

盤槐二株宋元間舊物與游竇之以名其

堂分賦二章

其二

送姜夫子還朝

其二

弔瞿慕川先生

壽龔程侯

次韻答陳昌基

送李玉完師還朝

汪觀峰五十

夏至前二日借受先飲與游齋夜半賦詩

其二

無近弟過與游齋同飲

其二

送王開度北上

顧心齋七十

壽唐太母六十

壽鄧母六十

法園秋集

其二

宿與游齋

壽李母五十

送沈鉉臣復入閩

壽楊仁翁太年伯八十

壽彭先生

壽戚先生

送魏仲雪粵東學憲

壽葉臞仙生日

又

贈劉鍊師

壽鍾伯泉六十

賀李文中采芹

七錄齋詩稿卷三

婁東張溥 西銘著

送許孟宏入楚

高文天半合雲襄夜看明星將出房  
焦字頻分清作扇荷衣初着薄爲郎  
軟歌菱曲迷楊子穩送烟霞渡楚湘  
秋露漫沾驚索斷橘黃更帶白茅香

其二

早惜深情問楚襄  
鰓魚脚水落蓮房頃波木葉

同吳地異國桃花識阮郎袖發孤山憑一卷人  
如明月隔三湘莫忘潭照西陵影雨脚吹笙欲  
返香

金閨同孟樸九一孟宏君偉夜飲

卽蒲韻

清雨連舟賴酒裏輕鷗橫水折荷房雲多楚國  
留春袖聲喚紅牙認玉郎別夜半驚皆落葉新  
涼閒坐卽瀟湘故人銷夏資烟濶預判羣山一  
樹香

次孟宏韻寄懷王聞修學憲

冰國情銷雲覆身門庭孝友念君陳十年文史  
耽三楚八代興衰在一人玉骨照城皆禮樂王  
香滿苑未清貧洞花霞果隨書發不使梁園偏  
早春

其二

閒居沐浴是蘭身詩史於今太史陳笠澤絃歌  
非往事洞庭烟釣有高人粲花綺論堪醫俗雕  
板經文可療貧呼得鶴來將負笈樓名百尺曲  
陽春

夏日小集

擊竹清來妙不傳高談分水出蒼天雲都若選  
孤山客鶴袂爭迎楚國仙新月入杯應避暑舊  
書堆閣已多年擬追古道豐今日湖上鶯花亦  
偶然

夏日陪劉映薇父母集弇山次受先二律  
勝水烟魚任主賓蓮花選靜得高人園非舊日  
名偏古山近天然石不塵蘚屐三峯間竹杖涼  
舟一葉放秋鱗縱恣宇宙存風雅新露蕉香念

此辰

其二

門前笙詠出嘉賓豈弟南山卽美人萋萋岍邊  
逢薜路布帆雨後蹴花塵風含甘菊秋橫畝句  
發彫梅水有鱗珍重小涼如濯月蘭亭一帖寫  
佳辰

吳門陪馮鄴仙給諫賦詩追別

溯洄將問夜何如珍重歸來讀諫書虎豹若鳴  
疑博浪烟湖仍舊別三閭野王名士應推長少

尹東門第幾車團露待君知未晚深心常自戒  
衣柳

其二

擘結高文佩玉琚遠游豈爲看芙蕖三年爾汝  
忘今日子夜參差怨兩魚試讀春秋皆實事莫  
言老易尚清虛衣冠若到山陰路十月詩章念  
厥初

早過與游齋受先已行矣次韻追之

向夜知風寂相尋綠水船天光引子發海鳥效

君眠別遽松猶待逢遲山更延主人兄弟半沅  
沚說同蹇

六月望後一日訪與游次韻

却暑不可得思君人自清送歸雲半夜呼出月  
盈觥覆地裁詩料輕籬護菊英蟲歌傷未絕襍  
被采湘蘅

其二

凉水多幽訪開園任客思琴書人四壁兄弟玉  
三枝月戶勞修琢花香惜轉移未通明日景相

啖虎溪追

夜同與游九一步瀛君偉青芝放舟虎阜

觴月連旦次與游韻

同此山邊得月多斜風吹去采菱歌舟中人性  
皆松栢夜半秋心接水波圖笑虎谿高塔院園  
名香國舊婆娑將分清靜時今夕曉氣千尋枕  
上過

次早泊婁門維斗來送行五里方別

誤約山靈歎夜叱朝來離聚識青簑不嫌燂暑

思今雨且共清涼折茗柯作別柳塘秋一束携  
歸文字墨千螺若驚吹落蟬聲早好訂明光近  
渡湖

逆風遇舟然喜小涼

不解東風散黍禾拂來人面亦生醅水聲觸石  
橫塘怒簾影生香子夜歌自是朋心竹木近非  
關夏日雨烟多明河欲賦還愁斷十里橈鳴似  
伐鼉

詠陳懷我公祖作人盛事

言  
風期昔日詠山樞  
筆放烟雲絕九區  
論政金科忘丙甲  
刪書逸篆在盤盂  
堂開車馬春江賦  
花作題評漢士圖  
賸有香衫贈行者  
豫章文木蔭東吳

其二

湘靈鼓瑟慰秋腴  
安雅文人似靜姝  
竹下談經分四坐  
月中修樹得三株  
魯連急難先貧賤  
韓愈憐才是大儒  
水國芙蓉隨鏡合  
潮聲夜發報星榆

宿維亭次與游韻

不知風竟渡長日雲夜生窮眇前路折野樹分  
牽迎水中星一半魚語荇藻縈科頭如竹下至  
人無醒醒牧樵跨屋角荻蘆亦有名但飛懷中  
雨丁丁山築冰此景或虛彷彿月靜分壺瀛菱菰  
作村食茅牆花氣明碧放恣橫葉波瀾天地爭  
呼酒白鶴至依然浴我纓

郡歸復飲與游園中平仲惠常同集

問夏難銷更洗罍苔封今日爲君開一家風氣

林中事半壁文章，  
雒下才不雨得花人境遠近。  
山有汝夜光來，  
浩歌落落忘星爛，  
莫放潛魚溯曲洄。

夏日郡游歸訪平仲園中

烟氣萬條從東來，  
薜蘿延徑發微笑，  
解葛袒舞不可思，  
得其意者在漁釣，  
蕉風偃碧土木容森。  
陰滿空懷謝眺，  
兄弟隱居書洞庭，  
欲呼恕先明月照。

爲家大兄賦送王衷和學博秋試

片玉聲名麗漢樞秋雲鶴動得松區冠非解果  
文從佩筆似春山花滿孟庠序鴈行三日宴詩  
書次第十經圖郊車旨酒多臺笠細馬秦淮憶  
舊吳

代友遠寄

江風日夜催人發此地啣來只一音料刺迴文  
月正滿若愁無渡水方深杜陵諸什君皆讀飛  
鳥能言余有心憑閣樹聲疑葉送羅衣不復碎  
秋砧

又

隱忍扶舟楫何心問酒清風來兼雨送人去卽  
秋生但看崔徽集如聞桃葉聲欲飛湖上去雲  
漢恐無情

又

送汝烏飛曲深深月下更寒山葉落早香閣鏡  
餘清難別惟名士離歌託此生莫嫌楊柳怨陌  
上露成聲

賀孟宏子孝酌采芹

一夜春庭開碧蕤陽秋此日荷新知科名可設  
光童子禮樂當與在聖兒宅相江東白玉塵家  
風少岳汝南碑從今讀易兼羣典漫笑詩人刺  
佩觿

賀與游子箴渝采芹

試翦衣裳孰作纓芄蘭滋水倍聞香三年說理  
青松塵一日橫經白玉牀久識烏衣應有巷若  
書正字可如王泮宮魯頌思清穆待漏高篇基  
此堂

秋怨次孟宏韻

水色參連立短葭  
泫紅泥夜應無譁  
六娘十索先衣帶  
七夕雙星照果瓜  
白紵詞中多妾怨  
鬱金堂上豈君家  
遠來鳳訊非煎急  
報得黃英方有芽

其二

重重曉氣得清奢  
悴月驚風與候加  
文學苑聲高蔡女  
釵書手疊贈秦嘉  
遙持白葛三秋賦  
自判黃封九錫花  
不語若何真小立  
隔年暮雨惜

琵琶

其三

一山分障出明霞團扇傳來人不返  
蟋蟀羽啣十月歎秋河夜渡七香車  
早聽玉笛飛楊柳莫挾金丸過狹斜  
遙夢可歸先露覺響廊吳苑豈天涯

其四

空聞鐵篴落蒹葭緹草難言副六珈  
恨賦多名輕作別刪詩未忍廢吁嗟  
同心絺綌甘中谷竟

體芳蘭惡佩蛇織就夫孫閒箔冷西池玉奏好  
籠紗

題扇蘭

飄風雖不厭息影俟高人倘欲徵香籍君家幸  
未貧

夏日子常麟士見過受先輩同集賦紀

一日涼生與水俱開文論舊索山逋名人有法  
皆從我古道當今未是愚真率已成忘客至清  
嚴不病爲花癯嘯歌雲外偕浮月此夕西園隔

輞圖

題畫蘭

拂去春風貼草微  
深顰愁看晚中非  
再添墨理爲供奉  
忽唱新歌楚國飛

其二

羞紙顛顛翠色微  
美人近在是烟非  
也知三月春消盡  
傍得闌干學鳥飛

其三

梅花香盡不勝微  
別有清華涉水非  
此日幽人

言利  
卷三  
渾不語浴時檀氣隔簾飛

和君偉南城晚步

暮色偏教行路微從今悟却采山薇一時白落  
千條水指下春鴻不肯飛

和孟宏韻

愁多半是雨中聲不爲今朝不肯明寫得詩成  
人已去燭灰字脚帶新盟

其二

惻惻難消是水聲深心未忍向鑪明尋常掛起

船頭葉不欲橫看鷗鳥盟

代友憶別

碧水函樓月未沈一天涼氣夜相尋搔頭響玉  
驚春去新浴開箱恨別深花候寒溫知各地藥  
方增減念同衾摘來雲片隨潮信菡萏雖香不  
忍簪

其二

翠壓重重只兩眉望君五日一年悲若知雨到  
霞山冷寧受風吹小閣欺鳥作寒修人競渡鏡

開潮汐夜難支蒲觴飛水濺纖手翦葛爲裳惜  
舊知

讀黃太君孟晚遺集

冷玉餘香足靜居吟魂花響出芳魚試開淑女  
初年咏不讓雲仙九世書香性入冬飛白雪寒  
閨招隱哭生芻沈珠浦水橫雲暮看到山頭梅  
漸疎

讀周少君剩玉篇

丹青不易寫芙蓉大雅文章在布疏論友昔年

徵道韞誦詩三百廢關雎圖開烟雨琴將任刺  
到鴛鴦月再蘇絺句漫敲雲母閣蘭心早夜結  
衣裾

題畫中人

作意驚相見春殘水一湄魚羣知月避蘭性壓  
風吹笑發空山滿歌憐綠樹欹自今烟國裏鶴  
去看浮扈

其二

不爲傷顙額丹青總未如深遙多斂意矜慎再

開書春恨人間短  
聲歸月上初相持  
蓑笠事青鳥賦閒居

酬粵東黎美周

雲分自九有  
高人坐織毛  
相知恐飛越  
飲酒無空豪  
東南本同氣  
未見悲先號  
索子梅花詩  
夜爲明月勞  
唱絕蘅芷心  
禮義慎游敖  
翻羽不可別  
邛來問楚皐  
自今懷寶書  
如饑享太牢  
忠信切滋味  
古人期執羔

秋夜同豫瞻人撫駿公僧彌集受先齋

刪盡桑原車蓋陰  
隔林穿月得深深  
無山結屋平川樹  
有酒呼魚秋水心  
池底寒銅浮半夜  
畫中枯木發清琴  
別時殘燭彈香燄  
維楫難爲漢上吟

其二

葉聲分水到牆蘿  
夜落桐香散月波  
曼倩滑稽當酒半  
少陵感慨正秋過  
心齊木石魚龍靜  
巷有居人臺笠多  
爲訪江干寂寞淺  
小山一樹聽清歌

題畫爲王載微五十

蒼深可並嶧山桐鹿士鬚眉在此中分得雙厓  
天未老飛來少室水能通金書栢子師黃帝東  
海盧敖對八公自惜經秋霜雪滿柱頤還問菊  
花風

同孟樸美周駿公僧彌集受先齋

昨日清風徧樹陰書長閒坐白雲深母忘却暑  
包山約猶記看星參合心短屋作欄叢藥草曲  
橋引水入桐琴相期吏隱真成適高士牆邊綠

葉吟

中秋夜集

同亭今夜不嫌寒，珠信流來作露看。  
天柱一峯留道士，游帷小徑問吳鸞。  
可知端正還稱月，但拜清光莫掃壇。  
咫尺銀橋香未了，故人牛渚傍關干。

其二

雲聲蚤去逐星田，絃管吹開月未眠。  
點易亭中攀鶴翅，潞州城上落金錢。  
人懷木鴈餘空館，調

合齊王憶舊年欲賦嬌娥虹影動輕雷初過桂  
山前

十六夜

清照連宵又一年膽瓶昨夜水光全早開桂樹  
將留別臥看金蟾或再圓天樂檐前人未散靜  
龍橋上夢初還與君判合槎邊月恐有王琪帖  
子傳

中秋後二日孟樸爾通過小軒同賦

夕照通襟氣烟微落楚薌正秋宜聽夜小雨卽

生潮蟲語芭蕉下詩心木葉飄尚嫌遲昨約松  
徑隔雲翹

同孟樸美周僧彌集駿公齋

輕雨初浮覆女蘿閒心秋並落微波註書虛谷  
巖花照說鬼深宵鴻鴈過一半樹聲生月下自  
然山色古人多羣情酬獻無苛禮箕踞難銷賦  
九歌

十八日觀潮

舊浦迷人樹欲蒙大波輕涉一帆中遙知月候

言利  
應先水好記亭名是纂風思入縱橫侵曉合心  
隨曲折與江同茗花滿袖新携得日暮還看谿  
上紅

和七夕詩

香心早已入秋緣達夜流蟬訴往年設果星隅  
今日短曝衣樓上一針穿閒看參合誰爲主細  
語長生不許傳欲借明光催曉織隔河新水立  
風前

賀孫泳舟采芹

秋夜潮聲文字間遠襟一鶴送人間  
塞來碧藻同吳苑借得風光到小山  
月國笙韶猶舊日泮宮禮樂號清班  
纈歸持取珊瑚樹應笑江東是老慳

送孫孟樸

此夕輕舟不易還恐君徒唱漢時關  
戰場未老黃雲下大樹將休白露閑  
從古傷時愁月盡於今送客惜秋顏  
江干一片模糊色曉起推蓬且看山

賀王和甫秋薦

壁水聞香別樹蓮  
衣簪清論出賓筵  
先迎月下三條燭  
好破天荒十萬錢  
海外異文靈鳥至  
石城猶篆絳紗傳  
遙期桐信朱門日  
姓氏蘭舟與碧連

聞顧麟士王處卿家九兄禹疏乙卷

秋草芳泥恨未全  
今朝誤說九方歎  
栽雲不應歸江水  
種桂誰教耕石田  
痛哭岐塗南北路  
悲吟澤畔楚吳天  
莫言松下饒青眼  
作史寥寥大

有年

送吳志衍北發

江山風物入雲裝  
岑水資清君子鄉  
抱策賢良來漢闕  
讀書忠孝誦天王  
大文自古如今小  
國誰人敢夜郎  
折盡丹楓餘別意  
松舟歷歷信寒霜

其二

解得紺珠報七襄  
惠風習習奏清商  
字成黃玉懷麟紱  
詩品昭容愛夜光  
簡要文期秦以上  
靜

深人對水中央起衰日月懸班管同學論名政  
事堂

送章敬明北發

秀樹迎山色清聲絕衆聞人倫懷竹箭星氣動  
江濱來往春爲路東西銘作文相看榮問近河  
朔應思君

其二

壯志託天外冰心向夜分太山觀日出虎觀備  
經聞登閣飛青雪書碑問右軍翱翔今日迴絃

下度秋雲

偶題

放酒山阿笑執翽御風何處識飛濤懸君一字  
烟霞疾挂足三峯日月高且說座中驚北海莫  
從花下看離騷西陵片葉隨潮任丹樹飄紅惜  
舊袍

贈澄江宋孝子

搖木高秋衡宇清石經遺帖古人評欲開寒水  
傷冬節但泣枯魚愧孝名善士百朋青鶴下舊

墳三尺白雲生  
蓼莪廢讀還愁暮  
宅里風聲正  
太平

送吳人撫北發

渭唱非關別  
春風念故人  
長安詎久客  
吳水不飛塵  
科第宣公榜  
詞章李白身  
鴻遊攀羽絕  
上國辨貞鱗

其二

從此大江去  
飛花已滿津  
六經書在壁  
一日子爲臣  
報國惟文字  
呈身自鬼神  
微言今更切  
正

直起荆榛

送姚現聞先生之金陵

霜初澄水接蘋吹山立輝如君子儀木葉制詞  
慚後代海棠鳴鵲對高枝遙思孔霸傳經日不  
羨端詩直院時宮月至今依粉署玉清常自念  
南箕

其二

鶴鵠翔虛翰羽翩開屏清淨畫嵐烟才名自古  
齊三俊冬日猶溫照五輓登覽山川天子氣委

蛇雲閣大人篇後生擬誦陪游句掌草方同飛  
白傳

賀祝尊光秋雋

空谷聞聲秋滿臺六經應不負徂徠同時禮樂  
山中聽一輩韶光月下陪寶嗇古人留玉字喜  
隨新節賦輕梅若珍庶子春華日先却歐陽自  
柳開

題君偉齋秋色

高意難斟酌經時濕樹苔丈人疑采朮明月獨

登臺富貴陶彭澤清微薛夜來空山非好事醉  
豈夢玫瑰

題畫菊

此樹通靈谷無山清白媒蟲心秋不改琴尾月  
相猜旣畏因人熱還知傷鴈來留風如可築晚  
碧應徘徊

壽龔仲和六十

雅吹遙亭看碧如大家芳靜酌椒醑人當盛世  
千春日室有玄文四壁書鶴益貯陰松下銀丹

詩集  
經出聽水中魚若知銅狄猶承露不愧卿雲賦  
子虛

其二

於今商露落秋碕栢竹紛來君子衣弱水風烟  
猶念古漢陰花木自忘機尺天涵靜山同色三  
代論年道更肥爲聽聲風枝未改鳩形玉杖坐  
芳菲

早冬看菊花

遙年霜雪半浴水碧來圍不用文子隱應知得

道肥看山人獨往近夜月方歸  
泥露幽如此深  
崑無是非

題瓶菊

不知竟夜抱秋暉養得高閒靜者機  
蝴蝶未來  
疑綠改茱萸欲折恨黃稀將開小閣  
延居士好  
借寒雲伴玉妃寂寂相成經此日  
山中  
人莫厭  
衣緋

無近弟北歸坐八兄齋對菊

修意斟清節寒心向酒微  
一霜迷葉近千樹待

秋歸自惜知音重難言草木辨離羣今始接更  
欲拂征衣

送文湛持先生還朝

相看靜水自雲將和吉聲聞聽鳳凰天下安危  
惟道在日邊遠近與心長後生規矩庚桑里大  
雅風流政事堂爲問簡書勤御者退公猶欲戒  
衣裳

其二

吳山千岫待秋裝辰告於今叩九闔淡泊自然

揚子宅澄清豈獨鄭公鄉臥龍踪跡開天路人  
鏡芙蓉並月光攬夢堯階知珮重寶書沐浴在  
春王

壽許冰壺先生

采碧成書賦大陵烟襟通照月初升絳河文字  
雲霞府青女衣裳鸞鶴朋友夢菊花知酒熟曉  
携莖露與秋登穆王開策如圖書溟水飛魚已  
化鵬

祝黎母蘇太君七十

翠水流春錦樹齊  
丹文綠葉印青泥  
傳書隔幌雲能聽  
畫壁留簪石可題  
拜倒玉卮稱健母  
繡成仙蓋擁寒笄  
西盈鐘響東華醉  
桑柳條中八會迷

題李青來韻林

楚楚疑深竹  
清風君子交  
一山留面目  
半樹足壺巢  
惟靜書無過  
成玄客獻嘲  
夷然物外寄  
不用寶康輅

贈李石友

清輝一丈是君亭  
橘柚初香讀道經  
不愛姓名驚鳥雀  
却傳文字遍花汀  
年當少壯偏多戒  
室有東西可作銘  
淡泊性生人意淺  
夜來深酒坐明星

送沈鉉臣入覲

人物清裁集大都  
千尋霜骨與山扶  
東陽吟咏篇猶在  
秋浦梧桐月未逋  
天子辦裝來竹馬  
江花迎楫動魚鳬  
聊期一醉春明近  
偏歲寒心向落菰

送吳來之北發

賦貢王門說采珠江臯琴水意相須著書二萬  
經方盛買紵三千調更孤鴛掖句傳傾坐客日  
華聲滿在天衢典文精切邯鄲步應撤重圍讓  
漢儒

送曹忍生北發

寒竹方凌玉樹中雲來流楫夢崆峒二龍名字  
山川重一帳烟光氣類同祿與性違真著述分  
兼學盡得英雄平郊環飲驚飛雪杏圃初傳蜀

纈紅

送王與游北發

今宵花發自青桐  
東帛徵車照五驄  
日下看名忠孝字  
月中傳帖蕊珠宮  
漢時經術堪丞相  
左掖文章壓上公  
餘有清音連驛送  
泰山高處曉光通

別閩中李畏庵

舊聲連雨發  
春草復何如  
看盡南來鴈  
空言海大魚  
三年重夜論  
千里一星疎  
蕭髮慚淪滯  
驚

心讀諫書

寄同門桂叔開

吳楚繇來烟水同江清人遠一魚臕月中灑酒  
愁無客醉後高歌得大風歎絕白華詩未補信  
傳春日燕初通心期兩兩要終古奏曲懷君夢  
碧桐

同子常勒卣集受先齋

雪盡知春至非關鴻鴈哀烟江連岼斷雨市踏  
燈來小隱南郊樂高歌鄴下才只今橫石座梅

信發蕪萊

王賁文新冠

角犀何以咏麟定念詩人古道徵三禮龍名到  
小荀自今言洗酌從此學爲臣模迪西京事終  
童扶雅輪

王來復新冠

椒酒當元日春風試拂塵學書懷大令獻策笑  
平津幼志于今遠先民亦可詢槐堂留墨妙不  
復美王珣

吳園看梅

園開香細隔西泠烟水高橫分外青人在翠微  
春未半雪如瀼露夜方零著書靈隱炊寒玉影  
落昭陽問畫屏間送雲歸迷晚岫岍邊花木待  
君醒

送侯豫瞻北上

春氣吳山早風來水國徐社村今日酒牀笏舊  
時書燕子迎新舫桃花奉板輿尚持司馬節矜  
重佩金魚

其二

不因童僕近且與拂征裾  
閭闔人高望中原事  
正胥韭盤方翦露厨笋亦隨車  
驅坂猶驚昨衣冠自漢初

登馬鞍山

別地玄來勝春風嶺上行  
山光人坐照龕火竹  
清盟選此雲烟半知同  
水閣成羣流參野外塔  
影接湖平

吳幼民公祖飲東園二詩見示次韻報之

言希  
卷二  
錦城風氣大山頭間送浮鳬與箬舟但咏蘼蕪  
來鶴夢欲同清月照花籌人如金谷名園數春  
到芙蓉木末洲持贈若何留碧醉琅玕響自石  
中流

其二

莫疑春盡別雲霓舞草迎人煖自橫月下衣裳  
添酒氣山中曆日種花庚不因妍唱簷蔔閣好  
王清風魚鳥伴載此孤遐憐共寄牽招桑落舊  
時盟

贈醫

花明一片地吳下遇君時小隱歸簾肆清光到  
上池衆人非共醉五墨亦何疑炳燭懸秋夜羊  
龍吐玉脂

題德星圖

方回一九今胡爲與汝龍笛吹雲池

解一

我欲宰

割麒麟皮敲出明月懸金龜

解二

白頭老翁舞傲

傲軒乎襲乎其誰思

解三

大洞一章子所貽丹青

不及亦孔悲

解四

瓠瓜之河下有祠青童拊背寧

垂綫

五解

葛公歌成草木飢倥傯先驅殮神芝

六解

子欲夜書修常居崑崙三頃日正烹長飲大平

今之時

七解

壽周二陽七十偕壽

曲堂高士隱醺酒繫香荃花養三春日人歌偕  
老篇挂瓢知棗熟拾葉待書玄裁翦雲簾下熙  
陽桑樹田

和受先南渡看莠

深郊流水作春游曲岼看來紅雨舟村巷飯香

漢陰

其四

時香斜徑肅深音珍重談君綠綺琴繞水莓苔  
迎屐長盈車條葉發秋吟灌園學隱難爲別扶  
杖來看豈自今可並舊山砭痼疾石蘭不改惜  
春陰

壽茅五芝光祿六十

蕙渚含風天酒零司城當日玉鈴經共傳金管  
書忠孝豈止郎官應歲星玄室山川多禹跡清

時鳳鳥半公庭中原洪厯崆峒會宥府高名在  
御屏

盤槐二株宋元間舊物與游實之以名其  
堂分賦二章

舊碧依雲肅深堂一樹聲但知心正直不解葉  
縱橫手澤先人笏文枝兄弟名到今霜雪盡歲  
久平

其二

山心亭此際寶墨慎初榮獨處名非忌高扶寵

不驚溫飽知秋節盤桓自漢京衆妍留壁照羣  
玉荷相成

送姜夫子還朝

修樹春江驛路蒙泰山日出照城東千尋桐梓  
皆琴瑟萬里絃歌是學宮節近翠微天左右語  
傳宣室帝崆峒雲趨蒲軫流難夜禮樂當興慰  
至公

其二

嵩高雅咏答明隆多士瞻朝京雒同孔孟文章

詩  
卷三  
三  
懸大國荒夷亭徽載清風人心長夜今方旦王  
事憂危日正豐從此肅征嚴咫尺蒼生有夢豹  
關通

弔瞿慕川先生

微言今日對三雍江漢湯湯羣瀆從禮樂在周  
方大備公卿自漢薄中庸豈知求野祖公怒盡  
識登朝儒者容後死未忘分俎豆春秋不愧一  
衣縫

壽龔程侯

滋樹春園合暄風柳髮鬚玉鳩安飲食靈藥長  
淮南繪水分雙照膠枝覆百男靜夷雲谷外綠  
葉正眠蚕

次韻答陳昌基

舊雨生波海國東春城夢盡水烟通早傷五色  
雲迷日別恨今年花信風裘馬帶人知我貴文  
章忌俗恥爲工同儕大半驚飛絮高塔流霞伴  
寓公

送李玉完師還朝

吳水迴塘萬樹晴冰微玉照鶴魚迎于公門敞  
延春日狄相庭高聽鳳聲到處芷蘅香氣集望  
成笙磬漢官行寶書著盡名山字重賦菁莪雅  
樂成

汪覲峰五十

永日延清城市宜惠風休暘拂喬枝欲同西郭  
埋名叟再讀東方誠子詩竹葉覆床驚戴勝桑  
心爲酒浴醪醪閒雲若逐高岑出許斧還應采  
五芝

夏至前二日偕受先飲與游齋夜半賦詩  
喜雨同君出留青入夜深稻秧烟半岸塘草月  
新林因酒衣知重非秋蟲暗吟若憐雲水寂盆  
樹獨何心

其二

遲此空濛色將同蝴蝶深水鳴當半夜月出借  
中林艷冶春山事虛寥草閣吟莫憎寒意盡荷  
葉慎秋心

無近弟過與游齋同飲

水深日落似飛鴻正值園居及早蓬客晒烟霞  
魚網渡樹搖香露荳花風亭名不碍滋今翠詩  
葉還飄惜比紅閒散人間消閣夢石牀猶自護  
春叢

其二

一徑相逢似燕鴻酒餘人未逐秋蓬夜深酬對  
新條月泉響幽虛舊閣風麋鹿松心同子宿芙  
蓉裳冷爲君紅莫嫌涼徹蕪苔後芍藥方凋草  
正叢

送王開度北上

孟夏多蒼莽君行大路遵長安無倦翮游子念  
清晨鬱雅延賓館崢嶸旅食人挾書猶未獻衣  
褐渡關津

顧心齋七十

東海一鶴橫高桑碧瞳垂鬚雲衣裳負暄不辭  
十畝閒自采梧實喂鳳凰云是道人種金粟肯  
酒中庭百合香

壽唐太母六十

欲領清風詩有丰延和鶴筭集芙蓉二車書滿  
傳聞咏七老圖存在女宗族氏自今非隔代丹  
崖第幾盡高峯流觥先到東園史蔥玉相隨擁  
楚筇

壽鄧母六十

修竹檀欒正著書衛姑先戒在登輿佐君家世  
侯高密問歲閨庭曆太初諸子學經徵大洞夫  
人訪道勝瓊琚名山秀表緱山嶺清白依然舊  
紫魚

法園秋集

樹疑牽叢翠無暑濯芙蓉開酒初秋日論心靜  
夜鍾野園遲一別魚鳥各爲容多此羣山態高  
歌石戶農

其二

亭半雲山出清秋蓮子中雨遲看汲水稻早惜  
飛蟲徵鬼爪盤會廻舟豈葉風持心分動靜日  
暮倚修桐

宿與游齋

秋霽流桐引雨時並觴荷葉石牀欹松泉雜響  
同山落草木無名與酒宜欲責跛奚供鳥食且  
留新句待風吹葯房收拾幽人夢十丈花開近  
夜帷

壽李母五十

采得藤花旨酒馨大年芬潔看雲屏木公化筆  
生奇字妙女傳詩註道經芍藥正芳椒子合碧  
蘭常靜露蕉零欲移春藻文人誦專一詩聲玉  
作輯

送沈鉉臣復入闕

秋重蕉聲樹色齊  
旻天同夢失前谿  
三年棠葉春如昔  
十部名山烟正迷  
載得寶書充白蔗  
携歸香草帶青泥  
聊商出處徵松信  
清月懷人到六堤

壽楊仁翁太年伯八十

東郊春靜太胥醺  
安吉寬衣顏子亭  
著文十乘先玄象  
布席三光應禮經  
家世土卿槐柳蔭  
北堂魚雅綬笥銘  
當今再誦關西對  
紫草儀容自

漢庭

壽彭先生

開圖訪十洲琴歌當萬舞采芝欲何貽黃冠許  
玉斧先生服中正金聲亮冊府淵英諸子名東  
西序接武繫馬華山阿懷風涉秋浦青岑生玉  
醴翺翔宴大圃堂羅百琅玕雲篇誦教父

壽戚先生

寒穴懷混淪澄心辨奇樹上吞五島芝下飛九  
洲雨獨有博大人含真得天乳偉服鼗鼓間寧

感士不遇後昆秉潔淳食貧榮寶璐閑桑蔭其  
門刺經美文露伏生傳尚書女子亦能誼酒清  
未足多瓮滿青丘霧

送魏仲雪舉東學憲

春帳承風早江南載錦湘梅花文字嶺儒服尉  
佗王烟水資三益冰壺貯七襄扶輪修樹下人  
物並清剛

壽葉臞仙生日

參差山岳寫銀光霞奏清平到遠楊花照四鄰

春日靜參含五穗水田香旨多載冰緡苑酒寧  
壹方歌美召棠歲事紀華當大有還看朋壽在  
公堂

又

欲誦軒皇句菁華正大初琴歌惟送鶴簠簋亦  
辭魚春日遲花歲名山記曆書長謠下白鴿清  
絕照芙蕖

贈劉鍊師

空山著書亦何爲坐以萬花等九賚閒時携杖

別猿鶴下覽烟洲洵奇態負經一卷五千言寢  
處其中亦數載六書字畫分陰陽寫此大璞捐  
衆愛混沌不名夫天地雕河上隱者綜梗概凌虛  
之臺夢羽衣崆峒有人夜問對不如道士乘風  
歸咫尺華山在肩背

壽鍾伯臬六十

丹阿之雲開層城梧桐翹翹去天咫尺高人結廬  
餐木精方目長耳服也士賜書能通百萬言好  
友兩三問綺里冥默善隱辭朱輪食我琅玕有

鳳子比肩行義聞孔膠辟雍鼓鐘觀踐履將邀  
朝陽綏五絃齊桓玉椀少君喜

賀李文中采芹

人地稱佳勝功名自履絢洛陽聞早慧鳳子識  
新雛儒服冠三禮文心賦兩都爭看玉樹出求  
友正相須

七錄齋詩稿卷之三終